



## Datganiad o Fwriad Cyngor Sir Ceredigion ar gyfer ECO4 Cymhwysedd Hyblyg

Enw'r Awdurdod Lleol: Cyngor Sir Ceredigion

Dyddiad Cyhoeddi: 09/03/2023

Rhif y fersiwn: F 3.0

Ar y wefan: <https://www.ceredigion.gov.uk/preswylwr/tai/gwybodaeth-a-chymorth-ariannol/cynlluniau-ffeithlonrwydd-ynni/cyllid-hyblygrwydd-eco/>

Mae'r datganiad hwn yn nodi meini prawf cymhwysedd hyblyg Cyngor Sir Ceredigion ar gyfer cynllun Rhwymedigaeth Cwmniau Ynni (ECO4) o fis Ebrill 2022 hyd fis Mawrth 2026.

Prif amcan cynllun ECO4 yw cefnogi cartrefi sydd ar incwm isel neu sy'n fregus. Bydd y cynllun yn gwella'r tai lleiaf ynni-ffeithlon ac yn helpu i ddiwallu ymrwymadau'r Llywodraeth o ran tlodi tanwydd a charbon sero net.

"ECO4 Flex" yw enw dull hyblyg yr Awdurdodau Lleol o nodi cartrefi sydd mewn tlodi tanwydd ac sy'n fregus ac a allai elwa o fesurau gwresogi ac arbed ynni.

Mae Cyngor Sir Ceredigion yn croesawu cyflwyno llwybrau cymhwysedd ECO4 Flex gan eu bod yn helpu'r Cyngor i gyflawni ei gynlluniau i wella cartrefi pobl sydd mewn tlodi tanwydd neu sy'n fregus yn yr oerfel.

Mae'r Cyngor yn cyhoeddi'r Datganiad hwn o Fwriad (SoI), ar **09/03/2023** i gadarnhau y bydd pob un o'r cartrefi a gaiff eu datgan yn cadw at o leiaf un o'r tri llwybr sydd ar gael, isod:

**Llwybr 1:** Bandiau GAS D-G aelwydydd perchen-feddianwyr ac aelwydydd E-G y sector rhentu preifat sydd ag incwm gros o lai na £31,000. Mae'r cap hwn yn berthnasol beth bynnag yw'r eiddo, maint, cyfansoddiad neu ranbarth.

**Llwybr 2:** Bandiau GAS E-G ar gyfer aelwydydd perchen-feddianwyr ac aelwydydd yn y sector rhentu preifat sy'n bodloni cyfuniad o ddau o'r procsiaid canlynol:

<b>Procsi 1)</b> Cartrefi yng Nghymru ar LSOA 1-3 ar Fynegai Amddifadedd Lluosog Cymru 2019. <sup>1</sup>
<b>Procsi 2)</b> Deiliaid tai sy'n derbyn gostyngiad Treth y Cyngor (ar sail incwm isel yn unig).
<b>Procsi 3)</b> Deiliaid tai sy'n agored i fyw mewn cartref oer fel y nodwyd yng Nghanllawiau NICE (Sefydliad Cenedlaethol dros Ragoriaeth mewn Iechyd a Gofal). Dim ond un o'r rhestr y gellir ei defnyddio, ac eithrio'r procsi 'incwm isel'.
<b>Procsi 4)</b> Deiliad tŷ sy'n derbyn prydau ysgol am ddim oherwydd incwm isel.
<b>Procsi 6)</b> Aelwyd a gyfeiriwyd at yr Awdurdod Lleol am gymorth gan eu cyflenwr ynni neu Gyngor ar Bopeth am eu bod wedi'u nodi fel rhai sy'n ei chael hi'n anodd talu eu biliau trydan a nwy.

\* Sylwch na ellir defnyddio procsiaid 1 a 3 gyda'i gilydd.

\* Noder nad yw procsi 5 ar gael gan nad yw Cyngor Sir Ceredigion yn rhedeg cynllun perthnasol.

**Llwybr 3:** Bandiau GAS D-G aelwydydd perchen-feddianwyr ac aelwydydd E-G y sector rhentu preifat sydd naill ai wedi'u nodi gan berson sydd wedi'i gofrestru ar y Gofrestr

Meddygon Teulu, Bwrdd Iechyd Cymru, Ymddiriedolaeth Sefydledig GIG, neu Ymddiriedolaeth GIG fel rhai sy'n agored i niwed, gyda phreswlydd y gallai ei gyflwr iechyd gael ei effeithio ymhellach gan fyw mewn cartref oer. Gall y cyflyrau iechyd hyn fod yn rhai cardiofasgwlaidd, anadlol, gwrthimiwnedd, neu symudedd cyfyngedig.

1 Mynegai Amddifadedd Lluosog Cymru (diweddariad llawn i'r mynegai gyda graddfeydd): 2019 2019 | LLYW.CYMRU

## **Datganiad a chadarnhad o'r gwirio tystiolaeth**

Dylai pob cartref a allai fod yn gymwys wneud cais drwy un o'r gosodwyr/darparwyr ECO4 Flex sy'n gymeradwy gan Gyngor Sir Ceredigion, i wneud yn siŵr y gallant naill ai elwa o'r cynllun neu gael eu hasesu i fod yn gymwys o dan ryw raglen berthnasol arall. Nid yw'r Cyngor yn derbyn atgyfeiriadau oddi wrth ffynonellau neu drydydd partïon sydd ddim ar restr gymeradwy'r Cyngor o osodwyr/darparwyr ECO4 Flex.

Bydd y swyddog isod yn gyfrifol, ar ran yr awdurdod lleol, am wirio a chadarnhau datganiadau a thystiolaeth gysylltiedig a gyflwynir:

**Enw:** Gareth Payne

**Teitl Swydd:** Swyddog Effeithlonrwydd Ynni ac Addasiadau Tai


**Ffôn:** 01545 572105

**E-bost:** [desh.housing@ceredigion.gov.uk](mailto:desh.housing@ceredigion.gov.uk)

## **Llofnod gorfodol y Prif Swyddog Gweithredol neu'r person cyfrifol penodedig**

Bydd Cyngor Sir Ceredigion yn gweinyddu'r cynllun yn unol â Gorchymyn Trydan a Nwy (Rhwymedigaeth Cwmniâu Ynni) 2022 (Gorchymyn ECO4) a bydd yn nodi aelwydydd cymwys drwy broses ymgeisio Ofgem. Bydd Prif Weithredwr y Cyngor yn goruchwyllo'r broses o nodi aelwydydd cymwys o dan ECO Flex.

Bydd y wybodaeth cymhwysedd yn cael ei storio'n ddiogel yn unol â pholisi diogelu data'r Cyngor, Cod Rhannu Data Swyddfa'r Comisiynydd Gwybodaeth, a chanllawiau ESNZ.



**Llofnod:**

**Enw:** Mr. Eifion Evans

**Teitl Swydd:** Prif Weithredwr

**Dyddiad y llofnod:** 07.03.23

Ar gyfer ymholiadau cyffredinol yn ymwneud â'r Datganiad o Fwriad hwn, cysylltwch â [desh.housing@ceredigion.gov.uk](mailto:desh.housing@ceredigion.gov.uk)